

nabyakambizhiwa mumuzhilo pansaambu yamuntu kabiji ne

- Bail Pending Confirmation of Sentence-Kukashilwa pangye yakaleya nakupembela kwitabizhiwa kwabwine bunchiba maambo bwapaanwa
- Bail Pending Trial-Kukashilwa pangye yakaleya nakupembela kutotolweshiwa kupaanw nakije kyabanchiba mambo kumuntu yebabena kukalakanya namaambo kupicvhila mukutalwapo bulongo nawamwingilo nanngwa nakije kyabanchiba mambo, mukuvimbila kwiya nakumwekela kukije kyabanchiba mambo nakutwajijila mukwine kutotolweshiwa.
- -Bail Pending Appeal-Kukashilwa pangye yakaleya nakupembela kutalwapo jibiji kwa ene mambo namaambo akwijizhanya kwatwalwa kukije kyabanchiba mambo kupaanwa nakije kyabanchiba mambo mukime kyakuba amba awa yebazhachisha namaambo kechi wasekelamo ine mubyafukulwa nakije kyabanchiba mambo kyakicheche kabiji wafukula kutwala kwijizhanya kwanji pabyakuzhatwa kwanji kukije kyabaya kabiji ubena kukeba amba atwajijile saka akashilwa pangye yakaleya kukafikatu nepakime kyakumutotolweshiwa jibiji.
- Inge kyakuba amba kutotolweshiwa kwamwekanyika kubanda namaambo akutamisha kwabula kumalata muntu yebabena kukalakanya naene mambo, uno muntu wakonsha kukambizha amba bamubike pa "Constitutional Bail-Kukashilwa pangye yakaleya kwesakana nabyakambizhiwa mumuzhilo pansaambu yamuntu. Kino kyakonshatu kukambizhiwa amba kitambulwe kufuma kukije kyabanchiba mambo kya High Court. "Constitutional Bail-Kukashilwa pangye yakaleya kwesakana nabyakambizhiwa mumuzhilo pansaambu yamuntu kupaanwa kumuntu yebabena kukalakanya namaambo nangwatu mumaambo akwipayang'ana, maambo alamata michi yashinta, bwivi bwakwingijisha mata nangwatu maambo alamata bunsatuki bwakusatukilamo kafulumende mulunkanankana.

Bail Pending Confirmation-Kukashilwa pangye yakaleya nakupembela kwitabizhiwa kwabyashimunwa mubwine

Muji namuntu yemwatemwa nangwa muluunda nenu uji mukaleya nangwa mufungwa yaba kapokola?



Shimunai bishinka byonsetu pamaambo abyubilo byalamata kunyanchijilwa ne kukabishiwa kwi:

Ba Director

Human Rights Commission
Human Rights House
Independence Avenue
P.O. Box 33812
Lusaka, Zambia
director@hrc.org.zm

Tel: +260-21-1—251327/251357
Fax +260-211-1-251342

MA OFWESHI AMU BIBUNJI


Ofweshi wamu nkambi ya Ndola
Human Rights Commission
Plot No. 88189, Moffat Road
P.O. Box 240528, Ndola
Tel/Fax +260-21-2-611050
director@hrc.org.zm

Ofweshi wamu nkambi ya Mongu
Human Rights Commission
Plot No. 164, Senanga Road
P.O. Box 910447, Mongu
Tel/Fax +260-21-7-222132
director@hrc.org.zm

Ofweshi wamu nkambi ya Kasama
Human Rights Commission
Plot No. 696, Lunzu Road
P.O. Box 410653, Kasama
Tel/Fax +260-21-6-223582
director@hrc.org.zm

Ofweshi wamu nkambi ya Chipata
Human Rights Commission
Plot No. 916, Anoya Zulu Road
P.O. Box 510496, Chipata
Tel/Fax +260-21-4-221713
director@hrc.org.zm

Ofweshi wamu nkambi ya Livingstone
House No. 1861/1, Muchinga Road
P.O. Box 60935, Livingstone
director@hrc.org.zm
www.hrc.org.zm



Zambia Human Rights Commission



Byomukebwa kuyuka pa maambo a Bail kabiji ne Bond

Kutundaikwa mubya maali na kije kya



Kaonde

KUPELELELWA MUKWINE KUKASULUKA KWA MUNTU MWINE

- Muntu yense uji nansaambu yoapewa kabiji ne kukasuluka nabiji kukasuluka mung'ambilo, kukasuluka mukushonkena, mubupopweshi kabiji nekukasuluka mung'endelo.
- Kipungu namabla 13 mu muzhilo wakyalo kyapaana amba muntu kechi basakukamunyanjijila pakukasuluka kwakyanji kyanji aye mwine ine kanatu inge paikala mukambizho kupichila mukuswishiwa kwamizhilo.
- Nangwa muzhilo wapaana bimye byakonsha kuba paikala kunyanjijilwa kunungapotu ne pakimye kyakuba paji kukalakanya amba muntu walenga mambo nangwa ubena kuketekelwa kulenga mambo asolopi alamata kusatukila kafulumende; kupanwa kwakukashilwa pangye kukepeshiwakokunyanjijilwa kwa nsaambu yamwine muntu mukukasuluka kwanji.
- Muntu yense awo yebapamo mambo abulala basakukamutalapo nobe wabingishiwa kukafikatu nekimye kyobakamuzhachisha nawo nangwa wifwisha nawo mwine.
- Ino nsaambu ikebwa amba muntu kechi ukanyanchijilwa mukakanyishiwa kukasuluka kwakyanji kyanji mwine. Onkao mambo kukashilwa pangye kwikala nobe luvimba kuino nsaambu kupichila mukupa uno muntu yebabena kukalakanya namaambo kwikalapo nakimye kyakwiyowa mukukasuluka kwanji kukafikatu nekimye kyobakamutana nangwa kumufwisha nawo mambo.
- Inge muntu bamutwala mumfungwa nangwa bamutaya pakazhima kwakubula kumulumbulwila bishinka paene mambo oalenga akukonsha kumupanyika kyakumunyonga muntu wabyonka bino wafwainwa kuletwa kukije kyabanchiba mambo mukachi kamaawala 24.
- Inge kyakuba amba kechi kyakonsheka ne kutwala muntu wabyonka bino kukije kyabanchiba mambo mukachi kamaawala 24, mukulumpe utangijila bamwingilo wakulama mutende mukyalo pakiteshenyi kyabakapokola usakukapesapesa muano mambo kabiji kanatu inge kyakuba amba mambo amwekanyika kwikala abulala bakonsha kumukamina pangye yamaofweshi abamwingilo wakulama mutende mukyalo kumupa police bond.

BAIL-KUKASHILWA PANGYE YAKALEYA

- Police Bond-kulaminwa kunsu yamaofweshi abakapokola kupanwa kumuntu yebakwata kufuma kumukulumpe utangijila kiteshenyi kyabamwingilo wakulama mutende mukyalo-Officer-in-Charge nangwa ujitu yense waswishiwa kuba kino kumukwimenako inge kyakuba amba ene

mambo kechi amwekanyika kwikala abulala awo akonsha kuswishiwa muntu kulaminwa kunsu yamaofweshi abakapokola.

- Inge muntu bamutwala mumfungwa nangwa bamutaya pakazhima kwakubula kumulumbulwila bishinka paene mambo oalenga akukonsha kumupanyika kyakumunyonga muntu wabyonka bino wafwainwa kuletwa kukije kyabanchiba mambo mukachi kamaawala 24.
- Inge kyakuba amba kechi kyakonsheka ne kutwala muntu wabyonka bino kukije kyabanchiba mambo mukachi kamaawala 24, mukulumpe utangijila bamwingilo wakulama mutende mukyalo pakiteshenyi kyabakapokola usakukapesapesa muano mambo kabiji kanatu inge kyakuba amba mambo amwekanyika kwikala abulala bakonsha kumukamina pangye yamaofweshi abamwingilo wakulama mutende mukyalo kumupa police bond.
- Police Bond-Kulaminwa kunsu yamaofweshi abakapokola kwikala nabyafwainwa kutalwapo nobe bintu bikebwa nabiji luvimba lwakwitabizha.
- Muntu yense uji nansaambu yakulomba amba bamulamine kunsu yamaofweshi abakapokola-Police bond nangwa kumukashila pangye yakalaye-Bail kana pakiteshenyi kyabamwingilo wakulama mutende mukyalo nangwa kukije kyabanchiba mambo.
- Police Bond-kulaminwa kunsu yamaofweshi abakapokola kupaana kyatutu kabiji muntu kechi ukebwa kulipilako maali kukiteshenyi kyabamwingilo wakulama mutende mukyalo ine pano bino ukebwatu kumona amba wafikizha bintu byonse bikebwa kutalwapo bulongo kwesakana nabyakambizhiwa mukine kipeepala kyakulaminwa kunsu nyamaofweshi abakapokola.
- Muntu yebapa Police bond-Kulaminwa kunsu yamaofweshi abakapokola wafwainwa kumwekanyikila kukije kyabanchiba mambo pajine juuba jatongolwa mukuno kulaminwa kwanji kwakunsu yamaofweshi abakapokola kwakubula kukankalwa ine.
- Maali atongolwa pakipeepala kyakulaminwa kunsu yamaofweshi abakapokola afwainwa kupaana kukije kyabanchiba maambo kumwine muntu yebabena kukalakanya namaambo awo utanwa amba wakankalwa kufikilamo mubintu byonse byatanchikwa.
- Kubula kulondela nekufikizha mikambizho yakambizhiwa mukipeepala kyakulaminwa kunsu yamaofweshi abakapokola kyakonsha kulengela amba pekale kuchakulapo kuno kulaminwa kunsu yamaofweshi abakapokola kabiji mwine muntu yebabena kukalakanya namaambo bakonsha nekumulamina mumfungwa.
- Police Bond-Kulaminwa kunsu yamaofweshi abakapokola kwakonsha kupaana saka paji nangwa saka pabula luvimba lwakwitabizha.
- Luvimba lwakwitabizha ke muntu (wamulume nangwa wamukazhi) abo bepaana beene amba bemuyuka kabiji basakukakonsha kumona amba mwamwekela kukije kyabanchiba mambo pajuuba jatongolwa.

POLICE BOND-KULAMINWA KUNSA YAMAOFWESHI ABAKAPOKOLA

- Luvimba lwakwitabizha kechi bafwainwatu kwikala bamwingilo mukafulumendetu ine pano bino bafwainwa kwikala bantu bakishinka banemekwa abo baji nampunzha yayukanyikwa yakyabokyabo pobekaala nabiji muntu wayukanyikwa mumingilo yabyabusulu, baeloda mukipwilo kya Lesa, basapwishi nangwa muntu mukwabo uji mumingilo.
- Kechi kujipo muzhilo ukanya bamwingilo wakulama mutende mukyalo kupaana police bond-kulaminwa kunsu yamaofweshi abakapokola pakimye kijitu kyonse mukachi kajuuba jitu jonse jamukachi kamulungu kunungapotu ne kunsu yamulungu.

BAIL-KULAMINWA KUNSA YAKALEYA

- Bail-Kukashilwa pangye yakaleya kupanwatu nabije byabanchiba maambo.
- Bail-Kukashilwa pangye yakaleya kwakonsha kwikala kwakupaana maali-cash bail-kino kikalako inge kyakuba amba paikala kupanwa kwa maali kukije kyabanchiba mambo ponkapotu, nangwa kyakonsha kwikala mukwipaana kwamwine muntu. Kwsipaana kwamwine muntu pano kyalumbulula kuyukisha, kupaana mulaye, luketekelo nangwa kubapo kintu kimo.
- Bail-Kukashilwa pangye yakaleya kwakonsha kupaana kumuntu yebabena kukalakanya namaambo kupichila mukwipaana kwanji aye mwine saka abikapo nangwa kwakubula kubikapo bantu bakwabo nobe luvimba lwakwitabizha.
- Inge kyakuba amba kuno kukashilwa pangye yakaleya paji kupaana maali-cash bail, inge kyakuba amba muntu yebabena kukalakanya namaambo wabula kufikizha bishina byatanchikwa mumwine mukambizho, maali atongolwa mukuno kukashilwa pangye yakaleya pekala kwialuusa.
Kuji mitundu ina yakukashilwa pangye yakaleya ayo ipanwa nakije kyabanchiba mambo itongolwa amba;
- Bail Pending Trial-Kukashilwa pangye yakaleya nakupembela kutotolweshiwa.
- Bail Pending Appeal-Kukashilwa pangye yakaleya nakupembela kutalwapo bulongo jibiji kwa ene mambo namaambo akwijizhanya kwatwalwa kukije kyabanchiba mambo.
- Constitutional Bail-Kukashilwa pangye yakaleya kwesakana